



Broj: 04-20-1943-1/24
Ključ, 18.07.2024. godine

Na osnovu člana 40. Statuta Općine Ključ („Službeni glasnik Općine Ključ“, broj: 3/10 i 3/11) i člana 6., stav 3. Programa Subvencije poduzetnicima - Subvencija za veterinarstvo na području općine Ključ za 2024.godinu, broj: 04-20-1943/24 od 17.07.2024. godine, Općinski načelnik Općine Ključ raspisuje:

JAVNI POZIV

za ostvarivanje prava na Subvencije poduzetnicima Subvencija za veterinarstvo na području općine Ključ za 2024.godinu

I. PREDMET JAVNOG POZIVA

Predmet Javnog poziva je prikupljanje prijava za ostvarivanje prava na Subvencije poduzetnicima – Subvencija za veterinarstvo na području općine Ključ za 2024. godinu.

II. IZVOR I VISINA NOVČANIH SREDSTAVA

Novčana sredstva za Subvencije poduzetnicima – Subvencija za veterinarstvo obezbijedena su na ekonomskom kodu 614500 u iznosu od 15.000,00 KM.

III. PRAVO UČEŠĆA

Pravo učešća po ovom Javnom pozivu imaju korisnici, pravna lica sa područja općine Ključ, koja provode veterinarsko zdravstvene mjere na dodijeljenim područjima djelovanja na epizotološkoj jedinici Općine Ključ, koja ispunjavaju uslove navedene u tački V. ovog Javnog poziva.

IV. USLOVI KOJE MORAJU ISPUNJAVATI KORISNICI

Korisnik – pravno lice mora ispunjavati slijedeće uslove:

- da je klijent registrovan kao veterinarska stanica i da posluje na području općine Ključ,
- da je klijentu od strane Ministarstva poljoprivrede, vodoprivrede i šumarstva USK izdato Rješenje o dodjeli područja djelovanja na epizotološkim jedinicama (općinama),
- da je upisan u Registar poljoprivrednih gazdinstava (RPG) i Registar klijenata (RK) u općini Ključ.

V. POTREBNA DOKUMENTACIJA ZA PRIJAVU

Za prijavu na ovaj Javni poziv korisnici su dužni dostaviti slijedeću dokumentaciju:

- popunjen Obrazac prijave za Javni poziv,
- Kopija Rješenja o dodjeli područja djelovanja na epizotološkim jedinicama (općinama), Rješenja izdatog od strane Ministarstva poljoprivrede, vodoprivrede i šumarstva USK – kopija,
- Plan utroška sredstava izrađen od strane podnosioca prijave/zahtjeva.

VI. NAČIN PREUZIMANJA OBRAZACA ZA PRIJAVU

Obrazac za prijavu na Javni poziv za Subvencije poduzetnicima – Subvencija za veterinarstvo na području općine Ključ za 2024.godinu, može se preuzeti sa službene internet stranice Općine Ključ, www.opcina-kljuc.ba ili u prostorijama Općine, kancelarija broj 8, ulica Branilaca BiH br. 78, 79280 Ključ, svakim radnim danom u vremenu od 07:30 -15:00 sati.

VII. NAČIN PODNOŠENJA PRIJAVA

Dostavljanje prijava sa propisanom dokumentacijom na Javni poziv se vrši preporučeno poštom ili lično u šalter Sali općine Ključ, u zapečaćenoj kovrti na adresu:

Općina Ključ, ulica Branilaca BiH br. 78, 79280 Ključ

sa naznakom: *Ne otvaraj – Prijava na Javni poziv za „Subvencija poduzetnicima - Subvencija za veterinarstvo na području općine Ključ za 2024..godinu”*

Na poledini kovrte navesti naziv pravnog lica i tačnu adresu.

VIII. PROVJERA STATUSA PODNOSIOCA PRIJAVE

Provjera statusa korisnika u Registru poljoprivrednih gazdinstava i/ili Registru klijenata će se vršiti po službenoj dužnosti u Službi za razvoj, privredu i civilnu zaštitu.

IX. IZNOS SREDSTAVA PO KORISNIKU

Sredstva će biti proporcionalno raspoređena svim korisnicima po podnesenim prijavama/zahtjevima, a obračunaće se na osnovu podnesenih zahjeva/prijava.

X. REZULTATI JAVNOG POZIVA

Nakon utvrđivanja ispunjavanja uslova po Javnom pozivu za ostvarivanje prava na Subvencije poduzetnicima – Subvencija za veterinarstvo na području općine Ključ za 2024.godinu, Odlukom Općinskog načelnika će se odobriti isplata novčanih sredstava u visini utvrđenoj nakon obrade pristiglih prijava.

Javni poziv i rezultati ovog Javnog poziva biće objavljeni na službenoj web stranici Općine Ključ, www.opcina-kljuc.ba i na oglasnim pločama Općine Ključ.

XI. ROK PODNOŠENJA PRIJAVA

Javni poziv ostaje otvoren 10 dana od dana objave (do 29.07.2024.godine) i biće objavljen na internet stranici Općine Ključ, oglasnim pločama Općine Ključ.

Nepotpune i neblagovremene prijave neće se uzeti u razmatranje.

XII. DODATNE INFORMACIJE

Za sve dodatne informacije možete se obratiti lično u kancelariju broj 8a. ili putem telefona 037/316-232.

Obrađivač:

Služba za razvoj, privredu i civilnu zaštitu

Dostavljeno:

1. Oglasna ploča
2. Službena internet stranica Općine
3. a/a

OPĆINSKI NAČELNIK

Nedžad Zukanović prof.